

դիր: Ըստ աւանդութեան, կը պատմուի թէ հրեշտակները լուսեղէն դաստառակով կը բերեն սուրբին Գըլուխը «առաջի Ս. Աստուածածնի և Ս. Յակոբ Տեառնեղբոր և Ս. Յովհաննու Աւետարանչի» և ասոնց ձեռքով այտեղ կ'ամփոփուի, ինչպէս գրուած է Յայսմաւուրքի մէջ (փետրուար) (Հան. էջ 87-88):

Գլխադիրի մատրան մօտ կայ Ս. Ստեփանոսի մասունը որ շինուած է եկեղեցիին հիւսիսային զրան վրայ, ըստ աւանդութեան՝ Կիլիկեցի մեր թագաւորներէն. հոն կը կարդացուի ամէնօրեայ Յայսմաւուրքը և հանդիսի օրուան աւետարանը (Հան. էջ 88): Այս եկեղեցիին մէջ կը գտնուի այն մեծ աւազանը, ուր Կիւրղի Երուսաղէմի հայրապետին օրով, երբ Ս. Խաչը Մայիս 7 ին լուսակերպ տեսիլքով երևցաւ Զիթենեաց լեռնէն մինչև Գողգոթա, և Սուրբը մկրտեց առաւել քան հարիւր հազար հրեաներ: Աւանդութենէ նախնեաց մայիս 7 ին կը կատարուի այս աւազանին պանծացումը մասնաւոր հանդիսութեամբ (Հան. էջ 89(*)):

(*) Հեթանոսներէն եւ հրեաներէն հարիւրներով մկրտեցան, այնպէս որ աւազաններ անբաւական գալով՝ Ս. Կիւրեղ հրամայեց սրբել հասարակաց բաղնիքը եւ նորադրձները հոն մկրտել (**Ճառքնսիրք**):

Այժմ Ս. Կիւրեղի տօնին առաջօրէն, Ս. Յակոբեանց Տաճարի Ս. Ստեփանոսի աւանդական Ս. Կիւրեղի սեղանին մօտ՝ որուն սակր կը գտնուի աւազանը, հանդիսաւոր կերպով կ'երգուի օրուան **մանկունքը** եւ «Քրիստոս Ասուած մեր» մաղթանքը:

Նոյն կռածոյ աւազանը շինուած է **միգի** կոչուած փայտ, որ Ս. Կիւրեղ հայրապետին անունով կանգնուած սեղանին վէմը կը կազմէ: Անոր խորուրթիւնն է տասնեւվեց մասնաչափ ու տասնազիծը՝ մէկուկէս կանգունէն կէս մասնաչափ պակաս: Ըստ աւանդութեան՝ ասիկա Ս. Կիւրեղի մկրտարանը եղած է, որուն մէջ Ս. Խաչի Երեւման օրը՝ մեծ բազմութիւն մը մկրտութեան կնիքը ընդունեցաւ, կամ՝ հա-